

永樂大典

卷一萬八百十二

永樂大典卷之一萬八百十二

六姥

母

帝王事母

孝友同風漢文帝仁孝素盡曰陛下居代時太后嘗病三年陛下不交睫不解帶湯藥非陛下口嘗不進

夫曹參以布衣猶難之陛下以王者修之過曹參遠矣漢景帝初年梁孝王以至親有功得賜天子旌旗出蹕入警王寵信羊勝公孫詭詭使王求為漢嗣梁太子廢太后欲以梁王為嗣嘗因置酒謂帝曰安車大駕用梁王為嗣帝詭曰能素蓋等曰昔宋宣公不立太子而立弟以生禍亂五世不絕小不忍害大義故春秋大居正由是太后議格梁王由此怨盡乃與勝詭謀陰使人刺殺盡及他議臣十餘人於是天子意梁逐賊果梁所為遣田叔程縱捕勝詭產王後宮內史韓安國見王泣曰王身臣死太子無良臣故紛紜至此今勝詭不得靖亂賜死王曰何至此安國泣數行下曰大王休臣浮說犯上禁挽明法天子以太后故不忍致法太后日夜涕泣幸大王自改大王終不覺悟有如太后宮車即憂駕太王尚推舉乎

永樂大典一萬八百十二

未卒泣數行下今說勝自殺出之使鄒陽見皇后先王信曰長君父得幸於上而長君行迹多不循道理者今梁王即伏誅太后無所發怒切齒側目於貴臣入骨髓而長君之弟幸於兩宮金城之固也昔者象日以殺舜為事及為天子封之於有庠是以後世稱之是以說天子微幸梁王事不奏長君來聞言之帝怒稱解時太后憂梁事不食日夜泣不止帝亦患之田叔等遂至霸昌廐悉燒梁獄辭空手來見帝曰梁有之子對曰死罪有之上曰其事安存田叔曰上母以梁事為問也今梁王不伏誅是漢法不行也伏法而太后食不甘味卧不安席此憂在陛下也上大然之使叔等謂太后曰梁王不知也為之者幸臣羊勝公孫詭之屬耳謹以伏誅梁王無恙也太后立起坐食體氣平復梁王因上書請朝至闕乘布車被兩騎伏斧鑕於闕下請罪太后大喜相泣復故以田叔為賢擢為丞相章帝奉承明德太后盡心孝道割製名郡以榮建周親晉書后妃傳孝武孝太后隆安四年崩于含章殿朝議疑其服制左僕射王雅尚書車胤孔安國等議曰太皇太后名位既正體同皇極陽秋之義母以子貴宋高祖武皇帝永初元年上事蕭后素謹及即位春秋已高每旦入朝太后未嘗失時刻焉梁中宗宣皇帝嘗字理孫事母以孝聞齊文帝性至孝太

后不豫。行不正履。色容憔悴。衣不解帶。殆將四旬。太后疾小增。即伏寢。外舍飲藥物。皆身親之。太后嘗心痛。不自堪。帝立侍惟前。以爪指掌代痛。血流出袖。後魏文帝。冬至大享群官。帝親舞於太后前。群臣皆舞。再拜上壽。高祖進曰。大夫行孝。行合一家。諸侯行孝。聲著一國。天子行孝。德被四海。陛下厚行孝慈。臣等不勝慶忭。踴躍上千秋萬歲壽。上大悅。節閔皇帝。少有志度。事祖母。嫡母。以孝聞也。唐韓愈元和聖德詩。憲宗皇帝。大孝慈祥。悌友怡愉。愉奉皇太后。決于姻親。濡及九族。唐文宗母。穆宗。貞獻皇后。蕭氏。生文宗。文宗上尊號曰。皇太后。初太和中。文宗聽安太后。憲宗。郭皇后。居興慶宮。實歷太后。穆宗。王皇后。居義安殿。后居太內。號三宮。每五日。問安。嘗內園進櫻桃。所司啓曰。別賜三宮太后。帝曰。上三宮。為得為賜。遂索筆減賜為奉。開成中。文宗正月望夜。帝御咸泰殿。大然燈。作樂。迎三宮太后。奉鵬進禮如家人。唐武宗喜遊畋。他日問太后起居。從容詰曰。如何可為盛天子。后曰。諫臣章疏。宜審覽。度可任用之。有不可。拘宰相。毋拒直言。勿納偏言。以忠良為腹心。此盛天子也。帝再拜。遂索諫章。閱之。性。性。道。遊。獵。事。自是。改。章。稱。後。唐。莊。宗。事。母。曹。氏。尤。謹。其。教。趙。敬。義。取。魏。博。與。梁。戰。夾。河。十。餘。歲。歲。常。馳。歸。省。其。母。至。三。四。人。皆。稱。其。孝。其。

永樂大典卷一萬八百十二

二

歸者也。因用藏錢。與張承業爭。至欲取劍。太后聞之。使召莊宗。莊宗性至孝。聞太后召甚懼。乃酌兩卮。謝承業曰。吾杯酒之失。且得罪太后。願公飲此。為吾分過。承業不肯飲。莊宗入內。太后使人謝承業曰。小兒忤公。已笞之矣。明日太后與莊宗。俱過承業第。慰勞之。噫。莊宗真孝德之君。曹氏真賢母。承業又老臣。其一時相遇。古之所難。宋史后妃。太祖母昭憲杜太后。定州定喜人也。太祖即位。尊為皇太后。太祖拜太后於堂上。眾皆賀。太后愀然不樂。左右進曰。臣聞母以子貴。今子為天子。胡為不樂。太后曰。吾聞為君難。天子置身死慮之上。若治得其道。則此位可尊。苟或失取。求為匹夫不可得。是吾所以憂也。太祖再拜曰。謹受教。宋真宗皇帝。乾興元年。明德皇后居萬安宮。真宗奉事。極於純至。每時省問。或夕必秉燭。徑往。后罕御藥餌。惟上親調。乃進。李繼隆嘗以細故忤后旨。其子昭慶尚幼。入謁不獲見。上聞之。携昭慶從容叩闕。伺后意解。為請見之。其承歡養志。皆類此也。宋仁宗皇帝。以母慈聖光獻皇后曹氏。元豐元年。正月望夜。以雷疫。木御樓觀燈。因月望夜。上於禁中。再張燈。后嘗幸金明池。上豫為百寶酒船。其日上上壽。嘗得木疾。御醫不能愈。會延安院禱。拜官薛昌期。火病亦得老兵王舉治之愈。上訪知之。召舉。后亦愈。宋史列傳。欽成朱皇。

后。照寧初。入宮為嬖好。生哲宗。及哲宗即位。尊為皇太妃。時宣仁欽聖二
太后。皆居尊。故稱號未極。元祐三年。宣仁詔春秋之義。母以子貴。其尊
故實。務置優隆。於是與蓋仗衛。冠服悉侔皇后。宋哲宗皇帝。事太皇太
后。致極誠孝。所以娛悅。后無不至。在宮中。或后行。必扶掖。視膳定省。唯時。

宋高宗紹興十一年。七月丁未。皇太后視物。徽旨。召行在醫官。拜草澤
醫治。有政者。有官人轉五官。支賜錢二萬貫。白身人賜錢外。此類補官。續
詔諸路州縣。多方搜訪。草澤能醫之人。
王公事母 孝友同風。史
優支路費。疾速津發。至行在。拜見者
資純孝。兒時夜數起。聽父母寢息。以候安否。父莫公止之不少替。後莫公
薨。王奉大人唯謹。夫人貝氏。能承之。意順。事大夫人不少懈。王且勉之
曰。苟富貴與爾俱無。使今日有違。後日有悔也。夫人意愈堅。而大夫人益
安。殆忘其身。大夫人八十四。廣國封王。為大學正。每會食。嘗與國子監丞
朱倬隣坐。倬見王多食。羨美。問其故。必答曰。偏食素耳。久之。倬問王僕。僕
曰。非食素也。王過美味。無歸以奉母。故茹菜羹以代之。倬感動。泣下曰。獨
無母。遺自後得甘。必以遺大夫人。由是孝德日動。後典教王師。制稱其
孝。周邵惠公子。字文什肥。事母以孝聞。文帝入關。不能離母。遂留晉陽。

唐李華。字子蘭。曹王甄子。天寶十一載。嗣王。事太妃以孝聞。進少府監。
殿中侍御史李鈞。與其弟京兆法曹參軍鈞。官既遷。不肯還鄉。母窮不自
給。華行縣見之。歎曰。八則孝。出則弟。有餘力。則學。若二子者。可與事君乎。
茲舉勅。並錫元。授衡州刺史。為觀察使所劾。貶潮州。會復用為衡州刺史。
初。御史覆訊。華懼憂其母。出則囚服。入乃衣冠。親言如常。及為潮。以連入
告。至是復位。乃言其實。魏高涼王孫子華。字伏榮。為廣州刺史。子華母
房氏。曾親人飲食。夜運大吐。人以為中毒。母甚懼。子華遂搥吐盡。嗽之。
其母乃安。周邵惠公子。字文獲。字薩保。保定元年。為都督中外諸軍事。
獲母沒。齋。獲居宰相。獲遣使尋求。母至。舉朝慶祝。大赦天下。獲與母終隔
多年。一朝聚集。凡所資奉。窮極華盛。每四時伏臘。武帝幸諸親戚。行家人
禮。稱膳上壽。榮貴之極。振古所無。齊武帝弟。趙郡王琛。子承。小名須拔。
幼聰慧。風成。特為神武所愛。養於宮中。令遊娛母之。恩異諸子。年至四歲。
未嘗識母。其母魏華山公主也。其從母姊鄭氏。戲謂曰。汝是我姨兒。何倒
親游氏。叔因訪問。遂失精神。神武驚。命元夫人至。就宮見之。叔前跪拜。因
抱頭大哭。神武甚悲傷。謂平秦王曰。此兒至孝。吾子無及者。遂為休捨。一
日。叔請孝。至資於事父。輒流涕歎歎。齊竟陵文宣王子良。字雲英。武

帝第二子也。幼聰敏。武帝為賴時。與裴后不諧。遣人船送后還都。已登
 路。子良時年少。在庭前不悅。帝謂曰。汝何不讀書。子良曰。嫌今何處。何用
 讀書。帝與之。即召還。宋博平侯令玩。字子固。父世。所生母劉。出適
 令玩既長。訪求備至。候其母事之。致養宗族。稱其孝。宋燕國公世采。字
 微之。仁宗嘗書忠孝二字。而賜之。所生母李。妻去其家。及嫡夫人高。喪
 世采博訪。以乃得之。封邑致養如禮。宋安康侯令驥。字彥博。右武衛大
 將軍世英子。丁父艱。而出母。依猶在。泣折有司。丐以歸。得乃表請。迎
 歸別第。及事繼母。錢皆以奉。宋華陰侯世瑞。字天錫。遂寧郡王從古
 子。治平末。詔預從英宗入慶寧宮者。皆推恩。時從古已沒。以世瑞為嘉州
 刺史。世瑞乞贖父。固辭。還官。不聽。乃進封從古郡王。初世瑞母出。恩慕涕
 泗。卒侍母歸。養。晉汝南文成王亮。字子異。宣帝第四子。拜撫軍將軍。咸
 寧初。母伏妃。有小疾。歿於洛水。兄弟三人侍從。並持節鼓吹。東耀洛。武
 帝登陵雲臺。望見曰。伏妃可謂富貴矣。魏南安王幹。景穆皇帝子。性忠
 謹。其母疾。高。憂。致其常。遂有白雉。遊於庭前。帝問其感致。賜帛千匹。以褒
 美之。召赴講武。引見於皇信堂。戒之曰。公孝行著於私庭。今聞於邦國。
 既國之慈親。終無貧賤之慮。宜戒三事。幹不能遵。奉。孝文以幹孝養聞名

永樂齋卷一萬八百十二

四

內外。特加原恕。齊高帝第十一子鈞。字宣禮。帝長兄衡陽元王道廣無
 子。以鈞繼。年五歲。所生。區責人病。使加慘悴。左右依常。以五色餅餉之。不
 肯食。曰。頃侍姨。吾扶風王駿。字子臧。持節都督雍涼等州。有孝行。母
 伏大妃。隨兄亮在宮。駿常涕泣思慕。若聞有疾。輒憂懼不食。或時委官定
 省。宋燕王元徽。太宗皇帝第八子。奉其母孝謹。每有疾。躬侍藥劑。晨夕
 盥潔。焚香以請命。憂念或不食。宋濮安懿王。性至孝。母楚國夫人感寒
 疾。方盛夏。猶屏處密室。鑿牖為明。恐匠氏弗謹。以斤斲。驚夫人。因于撤而
 置之。周齊煬王憲。字吐賀突。文帝子也。所生。遠步于氏。婦孺人也。建德
 三年。上冊為太妃。憲有至性。事母以孝聞。太妃舊恙。屢經發動。憲衣不解
 帶。扶持左右。憲或東西。從役。每心驚。母若有疾。乃馳使奉問。果如所慮。
 梁鄴陽忠烈王恢。字洪達。文帝第十子。有孝性。初鎮蜀。所生。費太妃。猶侍
 都。後於郡不豫。恢未之知。一夜忽夢。還侍疾。及覺。憂懼。廢寢食。俄而都信
 至。太妃已瘳。後有目疾。以唐視。得。有道人慧龍。得療眼術。恢請之。及至。空
 中忽見聖僧。及慧龍下針。豁然開明。人謂精神所致。齊晉安王子懋。字
 雲昌。武帝第七子。年七歲時。母阮淑媛。常病危篤。請僧行道。有獻蓮華供
 佛者。象僧以鉢盃盛水。漬其莖。欲死不萎。子懋流涕禮佛曰。若使阿娘。因

此和勝。願諸佛令花。竟齊不美。七日齋畢。華更鮮紅。視鑿中猶有根鬚。當世稱其孝感所致。齊南海王子罕。字雲華。武帝第十一子。母樂容華。嘗寢疾。子罕晝夜祈禱。子時以竹為燈。續照夜。此續昔宿。枝葉大茂。母病即愈。咸以為孝感所致。主簿劉駿。及侍讀賀子喬。為之賦頌。宋彭城郡公叔愷。字子樂。儀國公克鈞子。知醫藥。母病。子樂與醫互診。嘗藥待起居。飲食甚恪。宋廣平侯令舉。字子高。母和義。郡夫人疾甚。令舉到股肉以進。母病隨即愈。唐清河王孝節。曾孫。少孤。事母孝。累擢衛尉少卿。居母喪。染瘵。訖除。家人未嘗見言笑。孝養其母

莊子。夫事其親者。不擇地而安之。孝之至也。孝友同風。後漢隸期。少習易尚書。事母至孝。里落化其仁。避黃巾賊。通期里門。相戒不犯。隸先生舍。東觀漢記。鮑永。字君長。上黨人。少有志操。事母至孝。妻常於母前叱狗。永即去之。樊倫。字長魚。事母至孝。母常病。倫晝夜自操。不離左右。至為吮癰。守書。吳隱之。濮陽人。博涉文史。以儒雅標名。弱冠而介。立有清操。雖日晏。暇。不事非其業。傳石無儲。不取非其道。早丁父憂。事母孝謹。及其執喪。哀毀過禮。恒有雙鴈。警呼。及祥練之久。復有群鴈俱集。時人咸以為孝感所致。與太常韓康伯隣居。康伯母每聞隱之哭聲。輒含投飯。為之悲泣。

永樂大典卷一萬八百十二

何曾。事母至孝。每坐。母南面。而上酒。傳玄曰。昔稱曾閔。今有苗何。何琦。字萬倫。年十歲。喪父。事母孜孜。朝夕色養。嘗志甘鮮不饒。及為郡王簿。後母死。服闋。乃慨然歎曰。所以出身仕者。非謂有尺寸之能。實利微祿。私展供養。一旦莞然。無復恃怙。豈可復以朽鈍之質。塵清朝哉。於是不交人事。公府辟命皆不就。年八十二卒。穆紹。事母至孝。和色柔聲。常若不足。謹身節儉。朝夕孜孜。親執刀俎。非無使役。以他人不如己之至誠也。南史。劉瑜。廬陽人。七歲喪父。事母至孝。年至十二。喪母。三年不進鹽酪。號泣晝夜。不絕聲。勤力以營葬事。服除。二十餘年。布衣蔬食。言輒流涕。居墓側。不遠。劉聖淨。字元光。舉孝行。事母尤孝。至身營粥。不以委人。北史。皇甫暹。字永質。河東汾陰人。性純至。少孤。事母以孝聞。母喪。廬墓側。負土為墳。高數丈。周迴五十餘步。禱窆。重臺兩而。總成十二室。中間行過。可容百八。但食粥。枕函。柳風沐雨。形容枯瘁。家人不識。嘗其營墓之初。乃有鴟鳥各一。徘徊悲鳴。不離墓側。若助暹者。經月乃去。遠近聞其孝。競以米麵遺之。暹皆受而不食。悉以營佛齋焉。郡縣表上狀。詔旌異之。樂運。字承業。南陽人。廣十世孫。事母及寡嫂甚謹。由是以聞。梁郡官即王澄美之。以其行事為孝義傳。張文。河東人。遊太學。歸。罹國為業。事母以孝聞。唐書

王師範青州人。平寇節度使。王敬武之子。敬武死。自為留後。真儒學。因得罪。母志之。師範立堂下。日三四至。不得見。三年拜於戶外。不敢懈。又給事中李日知。事母至孝。時母年老。常疾病。日知哭泣數日。而醫變白。尋加朝散大夫。其母未受命。婦色而卒。時年終引。吏人責告身而至。日知於路上。即時恸絕。久之乃蘇。左右皆哀慟。而莫能仰視。監察使衛州司馬路敬潛。聞得其孝悌之跡。便求其狀。日知辭諫不報。服闋。累遷黃門侍郎。李迥秀。字茂之。京兆涇陽人。為考功員外郎中。性至孝。其母微賤。妻崔氏常此。婦婢。母聞之不樂。迥秀即時出其妻。或問曰。賢室雖不避嫌疑。然過非七出。何處如是。答曰。妻妾本以養親。今乃違顏色。安敢復留。竟出之。獲所居堂產芝草。犬乳鄰猫。中宗以為孝感。旌大門閭。劉弘為荊州。奉使教母疾。因賊。至守衛不移。以致擄掠。幾墮命。可以訓臣子。長風教。臣請教為歸。卿今考。及同族五代王。事母以孝聞。欲與人游。必先白母。母所不可者。未嘗敢往。及為刺史。政事有小失。母責之。股即取杖。投婢僕。自答於前。宋史李。性為孝。力耕以事母及母。疾年。能以至孝稱。蘇廣文。夏縣人。事父母以孝聞。母少寡。廣文懼其妻不能教事。母戒妻曰。汝事吾母。小不謹。必逐汝。妻奉教。母得安其室終身。侯義。楚丘人。貧無產。備田以事

永樂齋卷一萬八百十二

六

母。母年。義力自耕。其子困。不給。田主曹氏哀憐之。資以糶。糧云。悅生。隨抄李筠。性。事母孝。每盛怒。將殺人。母即自屏風後呼。筠疾趨。母前。聽命。母曰。爾爾將殺人。可赦乎。為吾兒增福。爾遂命釋之。筠稍知書。頗好調。初名榮。後將改名。或令名筠。筠曰。李筠李筠。玉帛云乎哉。聞者皆笑。老學庵筆記。任元受。事母至孝。母老多疾病。未嘗離左右。元受自言。老母有疾。共得疾之由。或以飲食。或以燥濕。或以語話多。或以憂喜稍過。其言皆朝暮候之。無毫髮不盡。五臟六腑中事。皆洞見曲折。不待切脈而後知。或用藥必效。雖名醫不逆也。張鑑。公作都督。欲辟之入帳。元受力辭曰。盡言者養親。使得一神丹。可以長年。必特以遺老母。不以獻公也。况能捨老母而與公軍事耶。魏公太息而許之。葉夢得。應者錄曰。宋楚州徐積。仲車。貧甚。事母至孝。父早棄家。不知所終。乃盡力於母。既死。圖其像。日祭之。飲食皆持匕箸。舉進於像上。若食之者。像率淋漓。雪汚。孝友同風。徐積。楚州山陽人。少孤。事母至孝。年四十。不婚。不仕。怨其姓。人不盡心於母也。不仕者。恐一日去其親也。鄉人勉之。就舉。遂偕母至京師。既登第。未調官。而母亡。遂不復仕也。郭琛。台州黃岩人。事母極恭順。如長父。及娶妻。有子。移居母室。凡母之欲。必親奉之。居常不遇中食。絕飲酒。如孝者三。

永樂大典

卷一〇八二二

十年以祈母壽母年百歲耳日不衰飲食不減鄉里異之轉運使表其狀
 太宗詔旌表門閭賜其母米帛章頴字簡之建安人父喪時頴尚幼自
 刑負柩間關數千里歸于大塋事母至孝謹雖有女齒未離嬰慕疾病晝
 夜不解帶體無必嘗而進居喪焚燒殆不能辨任至刑部郎中宋傑
 為廣東提舉事母至孝母病掛冠歸有碧林亭甘露降芝草生東坡易名
 曰甘露亭松曰筠松云宋張問字昌言襄陽人少力學景祐初中進士
 第事母孝嘗按刑河北每行郡還母必問獄正費事問所平反其喜形於
 色初與神世術善及持父喪世術遺以汝州田十頃辭不受宋張復字
 元陽開封人性至孝母剛烈急後常冠帶升堂受訓責宋陶珣字商翁
 零陵人事母孝謹白首盡歡知欽州數以母老乞歸極懇惻不聽既丁艱
 徙行奉喪歸葬祁陽宋廖及字咸豐戎州人奉其母孝謹溫清定省能
 用四禮其親安焉反卒哭之哀曰諸子孫事我豈不夙夜亡者之能養不
 可得已黃庭堅誌其墓以孝子稱之宋張仲友新淦州人父業醫方乘
 醫而父死及成人遊世其業事母孝謹人呼為張孝子晨興盥櫛必至寢
 問安否少不豫則憂見於色藥不先嘗不敢進冬溫夏清寒暄不忘其膳
 必問所欲而後市不冠帶不侍每成妻馮氏曰汝事姑猶吾事母乃可否

永樂大典卷一萬八百十二

則不汝容馮以是供婦職不少懈鄉先生宋玘為作傳劉次莊書碑于戲
 魚堂宋元祐間人也孝子傅晏教復字景初天性仁孝當其居官晨起必
 問安而後出理公事晝則親自饋膳而後敢退食夜則躬親溫清伺其寢
 既定而後敢退休于私室每天陰雨必拱立母側恐其聞雷聲而驚或出
 遇雷必馳歸省問以慰母之心每遇疾病躬治藥餌通夕不解帶雖老服
 勤不衰所得俸祿盡以奉甘旨惟母之所欲而致之觀意承志不待言而
 後行也金史孟興早喪父事母孝謹母沒喪葬盡禮事兄如事其父明昌
 三年詔賜帑十疋粟二十石聖賢言行故事丁蘭少喪母少喪父去養乃
 刻木為母日將飲食獻之將備用也至冬其妻不敬用針刺其身刺七亦
 友思血出蘭歸遂救其妻救近去也鄰有借物者木人不悅蘭却與鄰
 起故木人蘭往救之官免其罪以其為母報怨故不加罪温州府志連世
 瑜溫之樂清人事母孝母死刻木奉盂恭東漢書孔奮字君魚事母孝謹
 雖儉約奉養極求珍膳躬率妻子同甘菜茹唐書許法慎滄州清池人甫
 三歲已有知時母病不飲乳惟憐有憂色或以餅餽悅之輒不食遂以
 進母後親喪常廬于室有甘露嘉木靈芝水連理白兔之祥天寶中表異
 其閭告書高悝廣漢人少孤事母以孝聞年十三值歲饑惶菜蔬不餐每

致甘肥於母。猶弟以友愛稱。後以為參軍。頗任至丹陽尹。光祿大夫。封建昌伯。金史劉煥傳。煥字德文。中山人。宋末兵起。城中久乏食。煥尚幼。煮糠粒而食之。自飲其清。以醲厚者供其母。鄉里異之。三國志吳志蔣欽母。練。練被。妻妾布裙。孫權歎其在位。能守儉約。勅御府為母作被及幃帳。孝友。同風。唐劉敦儒。母病狂易。非答掠人不能安。左右皆亡去。敦儒日侍疾。體常流血。怡然不為痛。母乃能下食。五代張希崇。事母孝。朝暮食。侍左右。徹飯乃退。金史劉政。汝州人。性篤孝。母老。喪明。政每以古歌。母。遊。母能視。母疾。晝夜侍側。衣不解帶。封殿。肉。啖之者再三。母死。負土起墳。鄉鄰欲佐其勞。政謝之。葬之日。飛鳥哀鳴。翔集丘木間。廬於墓側者三年。防禦便以。除太子。李欽。考友。同風。宋李穆。開封府陽武人。舉進士。文學。操履。為太祖所知。太宗朝。擢參知政事。穆至孝。母病累年。悉著而畏風。穆身自扶持。起居能通其志。或至通夕不寐。未嘗有倦怠之容。

遺母

左傳。隱公元年。鄭伯克段于鄆。遂真姜氏于城。顯而誓之曰。不及黃泉。無相見也。既而悔之。願為。願谷。封人。聞之。有獻於公。公賜之食。食。告肉。公問之。對曰。小人有母。皆嘗小人之食矣。未嘗君之。美。請以遺之。公曰。爾有母遺。繁我獨無。願考叔曰。敢問何謂也。公語之故。

永樂大典卷一萬八百十二

八

且告之悔。對曰。君何患焉。若闕地及泉。隧而相見。其誰曰不然。公從之。公入而賦。大隧之中。其樂也。賦。姜出而賦。大隧之外。其樂也。遂為母子如初。宣公二年。初。趙宣子曰。於首山。舍于醫。見靈。餓。問其病。曰。不食三日矣。食之舍其半。曰。宣三年矣。未知母之存否。今近焉。請以遺之。使畫之。而為之。簞。食與肉。置諸索。以與之。既而晉靈公伏甲以攻宣子。與為公介。例。弋以禦公。徒。而免之。問何故。對曰。晉未之。紙人也。

借貸養母

南史。馮道根傳。道根字巨基。廣平鄆人也。少孤。家貧。傭賃。以養母。行得甘肥。未嘗先食。必達還。以遺母。年十三。以考。聞孝子傳。施。延。字。君子。少。盡。色。養。之。道。赤。眉。之際。將。母。到。吳。郡。海。鹽。賃。為。半。路。亭。卒。每。取。月。直。以。供。養。督。郵。馮。敷。知。其。賢。與。飲。食。論。道。餽。錢。並。不。受。東。漢。書。江。革。臨。淄。人。少。失。父。獨。與。母。居。遭。天。下。亂。盜。賊。並。起。革。負。母。逃。難。備。經。險。阻。嘗。採。拾。以。為。養。數。遇。賊。或。劫。欲。將。去。革。歔。涕。泣。求。哀。言。有。老。母。解。氣。慮。歎。有。足。感。動。人。者。賊。以。是。不。忍。殺。之。或。仍。指。避。兵。之。方。遂。得。俱。全。於。難。轉。客。下。邳。窮。貧。裸。跣。行。傭。以。供。母。使。身。之。物。莫。不。畢。給。建。武。末。年。與。母。歸。鄉。里。革。以。母。老。不。欲。搖。動。自。在。棘。中。執。車。不。用。牛。馬。由。是。鄉。里。號。曰。江。巨。孝。

辭學養母

南史。韓懷明。上。靈。人。

與郭林宗供神南陽割乳。嘗一日廢講。獨與涕泣。懷明竊問。家人答曰。是外祖亡日。時此母亦亡矣。懷明聞之。即日罷學。還家就養。此數日。韓生無立吾之恨矣。家貧。力以供甘旨。嬉怡膝下。朝夕不離。母側。母年九十。以壽終。懷明水漿不入口。一旬。哭不絕。有雙白鴈。巢其廬。及除喪。蔬食終身。不訖。

焦飯食母

南史。陳道吳郡人。少為郡吏。母好食。儲底焦飯。道在後。嘗帶囊。每煮食。輒錄其焦。以貽母。後孫

恩亂。聚得數升。香帶自隨。及散。外窠多有餓死。道以此得活。母晝夜泣涕。日為失明。耳無所聞。道遂入戶。再拜號。日豁然。明齋食。

遺母

樂善錄。有村民錢昭惠。齋一道者。以二隻饅頭。餉一牧童。牧童食其一。餘一。以木葉裹。置腹間。魚中。忽天晦。雨作。雷怒。風吼。牧童倒仆。人莫敢近。少頃。起行。果在腹間。之。牧童曰。初不聞雷。但見神人數百。驅馳來過。中有老者。握我手曰。齋食汝何敢置。魚中。我答曰。將歸遺母。老者含喜。魔眾而去。

穴腦救母

黃氏曰。抄世多疑。割股事。三此可以為不孝者戒。代木之聞。似與不敢毀傷相及。不帝。開元間。陳滅。器。樸。本。車。拾。遺。言。人。肉。治。羸。疾。故。割。股。事。始。見。於。唐。古。謂。戰。陣。不。勇。非。孝。而。以。殺。身。為。成。仁。方。父。母。危。急。如。其。可。贖。孝。子。仁。人。

永樂齋卷一萬八百十二

九

雖九殞不恤也。曹瑀割股救父母。而可議其非孝乎。盧君之尊翁。完腦以救母。其事視割股為尤難。先朝以宣付史館。且旌表之。宜哉。孝友同風。宋王羽。乾道二年。母病。坐夜。半登樓。焚香叩天。祈母病愈。以利刀取腦。調羹進食。雖有神人。以火炬燭之。母病隨起。壽年至九十。官為保申。旌表門閭。

魚羹饋母

孝友同風。宋王文。安化軍。靖城縣人。母病。卧水得魚。作羹饋母。又嘗屢為母割股。然香。而母病皆愈。所卧

水。水面形迹。逝旬宛然。大觀初。錫與將仕郎。賜酒帛袍。笏云。

殺雞供母

聖賢言行故事。後漢。茅容。與等輩。避雨樹

下。茅容。同。於。也。眾皆夷。路。相對。為。路。即。踴。躍。客。獨。危。坐。愈。恭。危。坐。為。生。也。郭林宗行見之。林宗名太。行其地。因目見之。而奇其異。嘉茅容。獨坐。與。遂與共言。因請宿。宿。是。借。宿。茅。容。家。旦。日。以。平。容。殺。雞。為。饌。與。共。食。其也。林宗謂為已殺。為去音。既而供其母。既事已也。自以草蔬。與。客。同。飯。客。即。林。宗。林。宗。起。拜。之。曰。卿。賢。乎。哉。稱。茅。容。為。卿。尊。之。也。言。茅。容。厚。於。奉。母。等。於。侍。賓。皆。德。之。士。也。因。勸。令。學。茅。容。卒。以。成。德。卒。於。也。孝。友。同。風。唐李。事。母。至。孝。思。日。薄。暮。有。客。至。投。宿。棘。臨。溪。烹。雞。客。意。其。待。已。既。而。以。脫。粟。其。飯。客。怒。不。食。而。出。棘。實。告。曰。母。病。思。肉。故。烹。雞。不。能。及。若。客。怒。

越。是夕即於屋後。乘風放火。將及其處。忽天雨反風。火即遂滅。隣里聚觀。見一人卧火中。炬上在手。視之乃客也。自言侯士。以亡命至此。不謂主人待我如是。自縱火時。明元一大神。立於空中。叱火令反。故今反及。言訖而死。

賜雞遺母

元史鐵舟傳。鐵舟四歲。從

叔父那摩入見。帝問誰氏子。對曰。元幹脫赤子也。帝方食雞。飯以賜之。鐵舟捧而不食。帝問之。對曰。將以遺母。帝奇之。加賜一雞。

奉母

北史陸政。吳郡人。父戴。從宋武帝平關中。軍還留戴。隨其子義真鎮長安。遂徙赫連氏。政性至孝。其母吳人。好食魚。北土魚少。政求之常苦難得。後宅側有泉出。而有魚。遂得以供膳。時人以為孝感所致。因詰其泉曰。孝魚泉。孝友同風。宋劉翳滄州人。母病目眩。以腦卧冰。待

魚。方其母食之。雙日遂明。孝子傳宋查道。字湛然。母病思鯪魚羹。方冬苦寒。道泣祝於河。誓冰脫巾以取之。得鯪魚尺許。一以奉母。疾尋愈。

魚奉母

孝子傳杜孝己。郡人。少失父。與母居。以至孝稱。後在成都。母喜鮮魚。孝於蜀。截大竹筒。或魚二尾。塞之以草。置水。呪曰。我母必得此魚也。考婦出汲。見筒橫水。就之。異而取視。乃有二魚。笑曰。此我夫所寄。以奉母也。回家熱而進之。母大喜。人以為孝感所至。

肉奉母

貞觀政要貞觀中。有突厥使行昌。直玄武門。會而捨肉。人問其故。曰。歸以奉母。太宗聞而歎曰。仁孝之性。豈隔華夷。賜尚乘馬一疋。詔令給其母肉料。宋史歐陽守道。少孤貧。無師自力於學。里人聘為子弟師。主人謂其每食舍肉。歸歸遺母。為設二器。馳送。乃肯肉食。婦媪無不感動。年未三十。翁然以德行。為郡儒宗。

賜醞奉母 元史鄭制宜傳。帝察其忠勤。屢賜肉醞。制持以

永樂大典卷一萬八百十二

十

懷橘遺母

坦。明初。事陸績。性淳。名績。字公紀。年六歲。年六歲時。於九江見萊術。去九江之也。見萊術。九江地名。萊術名。術出橘。萊術將橘出來。萊術懷三枚。陸績將三枚橘子。藏於懷中。去拜辭。萊術去。陸其地。陸績所懷之橘落地。術曰。未聞逆有言。陸即作賓客。言陸績為客。而懷橘子。如何懷橘子。績曰。陸績答言。欲歸遺母。欲要將歸於母。術大奇之。萊術大亦異之。元朝起。清高宗陸績懷橘遺母圖。攝為霜丸。

懷 意不食。雅供甘香。侍園樂。慕然憶着。嫌生面。萬樹黃金盡。喜歡。

餅遺母

沈明遠。高簡子。行信州。豐城。未至十里。休於道旁民家。時有一新夫。未就主人飯。主人曰。飯未炊。適有飲客。所餘肉

餅遺母

餅遺母 有一新夫。未就主人飯。主人曰。飯未炊。適有飲客。所餘肉

餅餌姑假之。農夫所無。懷之而出。主人問何往。則曰。我老母年七十。嘆盛飯耳。此威餌。我作苦難飽。甚不忍嘗也。將以饋吾母。故不待飯而往耳。予聆其言而嘆曰。此農夫耳。而知孝其親。非由學問而能然也。世之有愧於此農夫者多矣。其人姓王氏。

簞餅饋母

北史樊深傳。深因避難。墜崖傷足。飽食不宿。後遇得一簞餅。欲食之。然念繼母老痺。或免虜掠。乃弗食。夜中聞鼠尋覓母。因見以簞餅饋。懷

膳遺母

元史劉哈刺八都魯。統宗王封昔里吉。既擒之。命其獻俘。行宮。帝見其瘠甚。親御膳羊羖以賜之。既拜受。先割其美者。懷之。帝問其故。對曰。臣始與母訣。今歸母。幸存。請以君賜遺之。帝嘉其志。命自今凡賜之食。必先賜其母。

葡萄遺母

唐書陳叔達。高祖時作納言。嘗賜食葡萄。不舉。帝問之。對曰。臣母病渴。求不能致。願歸奉母。帝派洋曰。卿有母遺乎。因賜之。又春物百。既

瓜奉母

南史滕曇首。年五歲。母患熱病。思食寒瓜。土俗不產。曇首與瓜。非史宋瓊。魏人。以孝稱。母常病。季秋月。思瓜。瓊夢想見之。求而遂獲。時人異之。以為孝感。

拾椹奉母

坦明故事

永樂大典卷一〇八二二

十一

蔡順。蔡姓。順名。字君仲。君仲表字。王莽之末。漢時之姦臣。姓王名莽。天下

大荒。當時天下大荒。順嘗拾椹。蔡順拾椹。赤黑異器。藏之。用赤黑之椹。擇而以為獻。所。赤眉賊。赤眉王莽之號也。見而問之。

見順拾椹。發問。順曰。蔡順。逃言。黑者奉母。黑者拾椹奉其母。赤者自食。赤

赤椹。欲自食。賊知其孝。王莽知其孝順。乃遺米三斗。以米三斗與之。

牛蹄一隻而去。兼牛蹄一隻與蔡順而去。及母終。及蔡順母死。停喪在堂。

停其衣。棺在堂中。東家失火。東邊隣舍失火。將逼其舍。火將逼到。屋舍連

順不能移。順不能移其母。伏棺號哭。呼天。蔡順身伏其母柩上。號聲

大哭。呼天。火遂越燒。西室。火遂越其燒。過他人之屋。蔡順得免。國老故

花。笋譜云。沈如琢。成都人。有孝行。母患渴。非時。恐桑椹。嘗求不遂。家東一

樹。生橘。以奉母。母渴愈。詳見笋字。

遇賊求奉母。東漢書劉平。彭城人。更始時。後賊復起。忽而至。平扶持其母。奔走逃難。仲遺腹女始一歲。平抱仲女而棄

其子。母欲遂取之。平不聽。曰。力不能活。仲不可以純類。遂去不顧。與母俱

匿野澤中。朝出求食。逢賊。賊將烹。平叩頭曰。今日為老母求菜。老母待。為命。慮得先歸。會母。平遂就死。因涕泣。賊見其至誠。東而遣之。平遂既食

母訖。因白曰。當與賊期。義不可欺。遂還詣賊。賊大驚。相謂曰。嘗聞烈士。乃今見之。子去矣。吾不忍食子。於是得全。張禮。過饑饉之年。孤養老母。在堂。年八十餘。禮拾菜歸。於路遇賊。欲殺禮。食之。禮叩頭云。家中有老母。朝來未得食。乞命少時。歸家供給。却來就死。賊遂放去。禮弟陽。增聞之。家自走賊所。謂賊曰。向者欲歸作養者。是兄死。愛養父母。年老辛苦。贏瘦。弟肥肉多。願代兄命。禮去賊所。謂賊曰。禮本許殺。何得殺弟。賊見二人慈孝。皆不忍殺。更與禮米二石。益一斤。待養老母。以全孝及之道。

請笋奉母

三國志吳志孟宗。字子恭。少喪父。孤養母。

年老病篤。冬月思笋食。宗乃往竹林中。泣竹而告天。須臾之間。平地裂透。出笋數莖。持歸作羹。與母食之。食畢。覺其疾即愈。其孝感動天地如此。孟宗。亦名仁。字子恭。江夏人。還吳令。時不得將家之官。每得時物。必以寄母。常不先食。

請泉奉母

孝子傳 宋郵綺

字宗文。母張病風。醫藥保持若嬰兒。但秦國必抱就之。三十年不懈。張樂飲溪泉。天旱泉竭。綺瀆之弗能得。仰天大慟。水忽為湧。張死欲葬。適天雪方凝。綺哭請善表。家上雪。夜獨先釋。心以為孝感。

求食養母

南史公孫禧。遠會稽。刻人。事母至孝。年饑省食。食。

永樂大典卷一萬八百十二

十二

惡飢以養母。齊高祖詔未門閭。唐書支叔才。定州人。隋末荒饉。夜丐食野中。遇進母。為賊執。欲殺之。告以情。賊感其孝。為解縛。柳鎮。宗元之父。河東人。天寶末。遇亂。奉母隱王屋山。常閉行求食。以養宋史孝義傳。有越州應天寺僧者。如貧無以給。晨夕。乃剃髮乞食。以養母。母年一百五歲而終。

負米養母

孝友同風家語。子路家貧親老。不擇祿而仕。昔者由也。為親負米百里。親沒。南游於楚。從車百乘。累茵而坐。列鼎而食。願負米百里。豈可得乎。木欲靜而風不停。子欲養而親不待。

枯魚御索。幾何不靈。二親之壽。忽如過隙。慈哉。宋史歐陽文傳。有宗其者。蔡州長蔡人。父為虞城主簿。因家焉。第孝恭謹。負米養母。人皆以孝稱之。南史賀琛傳。琛字國寶。投業於伯父瑒。瑒卒。家貧。常往還諸堂。販粟以養母。雖自執舟楫。湖則習業。尤精三禮。年二十餘。瑒之門徒。稍從問道。唐書劉三復。以善文章知名。少孤。母病瘵。三復丐粟以養。李德裕為浙西觀察。表為。南史張紘傳。紘母劉氏。以父沒家貧。葬禮有闕。書記。積俸供母。遂終身不居正室。不隨子入官府。紘在郡所得俸祿。不敢用。至乃妻子。不易衣裳。及還郡。並供之。母採遺親屬。雖累戰所蓄。一朝隨盡。紘私室常開。然如貧素者。孝友同風。宋張雲卿。字伯紀。臨死

積俸供母

和州。因寓其喪。司馬溫公。初居洛。伯紀未得見。鄂雅以問光。光曰。雲卿旅殯其父。久不省。未敢與見。雅曰。雲卿可謂孝矣。父死貧不能以喪歸。奉其母居洛府。尹哀之。俾為園子。監說書。月得俸七十以養。若為和州一行。則罷休數月。繼饑其母矣。其故如此。溫公慨然曰。光雅之誤矣。伯紀自此遂得與溫公游。

給米養母

南史宋衡陽王義季傳。義季傳。母老家貧。無以充養。遂不食肉。義季憫其孝。始置母月

米二斛。錢一十。與俸養母。

與俸養母

宋歐陽公集。戶部侍郎簡肅薛公墓誌銘。公居蜀。老嫗告其子不孝者。子

折貧不能養。公取俸錢與之曰。用此為生。以養母。子遂相慈孝。

講學養母

宋史仲收傳。收隱於終南。豹林谷之東。明

客。結茅為廬。以講習為業。從學者眾。得束脩以養母。母亦樂道。薄滋味。

織屨養母

晉書劉愨字真。長沛人。少清遠。有奇。與母任氏。寓居京口。家貧。織芒屨以為養。雖華門主賓。晏如也。呂氏

春秋齊有北郭織者。結采芒。細蒲葦。織屨履以養母。猶不足。踵門見晏子曰。願乞所以養母。晏子僕進曰。此齊國之賢者也。今乞所以養母。是既夫子之義也。必與之。晏子分金粟而遺之。解金受粟。

織蒲

永樂齋卷一萬八百十二

十三

鞋供母

釋氏稽古畧。尊宿名道明。江南陳氏後也。幼出家本州開元寺。持戒精嚴。夢通三藏。遊方契旨。於黃蘗。藥延禿首坐。

家請住觀音院。諸方歸慕。咸以專宿稱。後歸開元寺。居織蒲鞋以供母。故又有陳蒲鞋之號。乾符四年。召門人曰。此處緣息。吾當逝矣。乃跣跌而寂。

郡人以香薪焚之。舍利如雨。救靈骨塑像于寺。壽九十八。

鬻繒養母

宋史孝義傳。有杭州仁和人李瓊。以鬻繒為業。

事母至孝。夜嘗十餘起。省母母喜。食時新瓊百方。求市得必十倍。酬其真。

鬻繒新養母

宋史孝義傳。朱秦。湖州武康人。

家貧。鬻新養母。常通數十里外。易甘旨以奉母。奉版食。篋攜。或妻子嘗候母色。州里稱其孝。六祖壇經。六祖少孤。及長。家益貧。乃鬻新奉母。一日過

市。屋間客詢全刑。至。無所任。而生其心。即開情。

賣筍養母

晉書庾亮傳。亮父亡。作筍賣以養母。母見其勤。曰。我

無所食。亮對曰。無食不甘。亮將何居。母感其言。而安之也。

躬耕養母

東漢書李咸。字元卓。孤特自立。家貧。母老。常躬

耕稼以奉養。咸。字德仁。東莞管人。晉立國。學。蓋為助教。頃之。去官。以父母老。家貧。與弟俱棄人事。躬耕自業。約已奉親者十有餘年。北史雷

紹字道宗。武川鎮人。解母求師。經年通孝。經論詩書。讀至人之行。莫大於孝。乃投卷歎曰。吾違離侍養。非人子之過。即違鄉里。躬耕奉養。由是知名。新唐書王質傳。質少孤。客春春。力耕以養母。講學不倦。諸生從。授業者甚眾。後舉進士。五遷侍御史。再轉諫議大夫。徙宣歙觀察使。孝友同風。唐令孤仕。猗氏縣人。兄弟四人。早喪父。泣慕十歲。養其母。孝者鄉邑。而力田積粟。博施不已。唐書趙隱。字大隱。性仁悌。始不衣時。家無資。與兄同耕養母。雖姻宗之富。未嘗干以財。郭珣瑜。字元伯。少孤。值天寶亂。退耕陸渾山。以養母。不干州里。南史

王僧孺。七歲。能讀十萬言。及長。篤愛墳籍。家貧常傭書以養母。寫單。誦論亦了。北史房景伯。字良暉。少喪父。以孝聞。家貧傭書。以養其母。甚謹。孝友同風。後梁蕭銑。宣弟曾孫。少傭書事母孝。北史崔光。字長仁。清河人。家貧好學。書耕夜誦。投書以養父母。竭力養父

母。南史許昭先。義興人。父母皆老病。家無童僕。竭力致養。甘旨必從。北史申徽。字世儀。魏郡人。父早卒。少與母居。盡力孝養。為周僕射。後周書。荆可。河東猗氏人也。性質朴。容止有異於人。能苦身勤力。供養其母。隨時甘旨。終無遺乏。張舜民。柳行錄。辛亥同年大觀。遊楊氏園。棠極宮。皆山

永樂大典卷一萬八百十二

陽之勝。是日見徐積先筆。積山陽人。為學志古。養母盡力。不置僕妾。年四十。不婚不仕。食飲洗滌。力役之事。皆身為之。不婚恐異姓不能盡心於母也。不求仕。恐一日去其親也。久之。鄉人敦迫。使之就舉。及應貢入京師。以雙輪載母。躬自行推。葛衫草履。行道之人。不能辨也。治平四年。許安世。榜下及第。未調官。母亡。遂不復仕。窮居山陽。衣食不給。凡市買。楚人不肯受。其直積亦不取。至有信宿不合者。淮南學者宗之。至路旅。通判楚州。始為娶妻生子。小名路兒云。孝友同風。宋王安國。字平甫。性篤孝。養母盡力。三年喪。居墓側。出血和墨。寫佛經甚眾。州上其行義云。色養

父母

色養。鄉鄰謂楚丘先生。後父母疾。親易燥濕。不解衣者七月。大業初。父母俱終。哀毀殆將滅性。廬於墓側。負土成墳。或冬不衣。唯着單練而已。家有一烏犬。隨其在墓。若善林表。犬亦悲號。見者嗟異。有二鶴。巢其廬前。栖樹。每入其廬。馴狎無所驚懼。大業中。司隸地察其孝感。擢授考場令。孝友同風。唐唐在渾。為侍御史。清白溫恭。能盡色養。父母少不康。無祈禱。請己身代。母嘗有疾。渾請代病。父已。有頃疾。從十指入。俄而偏身。母所苦遂愈。自嬰養母。孝友同風。晉祖

光祿納少孤貧。性至孝。常自為母炊爨作食。王北平又聞其佳名。以兩婢餉之。因取為中郎。有人戲之曰。奴價倍婢。祖云。百里奚亦何必輕於五肢之皮耶。元史不思木得。不思木為平章政事。家素貧。躬自爨汲。妻織絁以養母。後因便溺。則母已死。號慟吐血數不起。**飲水養**

母

吟車志滄州有婦人。不食。唯日飲水數盃。年四十五六。而面貌悅澤。人問不食之因。自言幼年母病。臥床。家無父兄。日賣果子市。得贏金數十以養母。值歲歉。穀貴艱食。乃仰天禱曰。今日所獲。不足以活二人。願天憫之。使我飲水不餓。庶所得可盡以供母。遂臨井飲一盃。果不饑。自是亦不思食。又數歲而母卒。時不食已三十年矣。**埋兒養母** 東漢書郭巨家貧。養母。妻產一子三歲。母嘗減食與之。巨曰。貧乏不能供給。汝埋子。子可再有。母不可再得。妻不敢違。巨遂掘坑三尺餘。忽見黃金一釜。上云。天賜孝子郭巨。官不得奪。人不得取。**嫁**

妻養母

南史徐孝克傳。時梁末。侯景寇亂。孝克養母。體弱不能給。妻宋完藏氏。領軍藏盾之女也。甚有容色。孝克乃謂之曰。今既荒如此。供養乏闕。欲嫁卿與富人。望彼此俱濟。於卿意如何。藏氏弗許之。時有孔景行者。為侯景將。富於財。孝克密因媒者。陳意。景行多從左

永樂大典卷一萬八百一十一

十五

右。逼而迎之。藏氏涕泣而去。所得穀帛。悉以養母。孝克又剃髮為沙門。改名法整。兼乞食以充給焉。藏氏亦深念舊恩。私致饋餉。故不乏絕。後景行戰死。藏氏**留妻養母** 新唐書高儉傳。儉字士廉。仁壽中。舉文才。更為大妻。為朱萬主簿。以母老不可居瘠瘠地。乃留妻鮮于奉。奉而行。**不嫁養母** 唐書汴州李氏。李女。年八歲。父卒。柩殯在堂。子餘歲。每日哭泣無限。及長。母欲嫁之。遂截髮自誓。請在家終養。及喪。母。號泣殆至滅性。家無丈夫。自營棺槨。州里欽其至孝。送葬者千有餘人。葬畢。廬於墓側。蓬頭跣足。負土成墳。手植松柏數百株。季祀列上其狀。制特表其閭。賜以粟帛。温州府志。唐丁氏女。亦其人。居家浦。性至孝。及笄。誓不嫁。日紡績。夜釣魚。以給母衣食。一夕暴風甚。雨溪激。溺死。鄉人立祠。浦傍。以旌其孝。自是山多祥雲。溪有光怪。**乞弟養**

母

世說新語南郡桓玄。既破殷荊州。收殷將佐十許人。咨議羅企生亦在焉。玄別傳曰。玄克荊州。殺殷逆徒。及仲堪。參軍羅企生。鮑季禮。皆仲堪所親代也。桓素待企生厚。將有所殺。先遣人語云。若謝我。當釋罪。企生答曰。為殷荊州吏。今荊州奔亡。在亡未判。我何顏謝桓公。中興書曰。企

生字宗伯。豫章人。從公乞一弟以養老母。桓亦如言省之。桓先曾以一羔來與企生母胡。胡時在豫章。企生問至。即日焚香。求官

養母 晉書袁瓌傳。瓌字山甫。陳郡陽夏人。詔郎中令煥之曾孫也。祖父並早卒。瓌與弟猷欲奉母避亂。求為江淮間縣。拜呂令。轉江

蘇。因南渡。元帝以為丹陽令。中興建。拜奉朝請。遷治書御史。孝友同風。唐姜公輔。為翰林學士。歲滿當遷。上書以母老。願祿而養。求兼京兆戶曹。唐書許康佐。正元中舉進士。宏詞連中。家貧母老。求為知院官。人議其不擇祿。及母喪已除。凡命皆不答。人乃知其為親屈。 **官遊**

不養母 唐書太宗諸子列傳。嗣曹王華。曹明王曾孫。為少府監。時有餘力。則以學文。若二子可謂事君乎。舉劾之。至錮死。 **乞郡養母**

卿。母窮不自給。舉行縣見之。歎曰。入則孝。出則弟。行有餘力。則以學文。若二子可謂事君乎。舉劾之。至錮死。 **乞郡養母** 續通鑑長編。仁宗天聖二年。榮陽人張逸。先以試校書郎知襄州鄧城縣。有能名。知州謝泌薦之。他日引對。其宗問所欲何官。逸對曰。母老家貧。願得近鄉一幕職官。歸奉甘旨足矣。授瀘州觀察推官。孝友同風。宋沈文通。杭州錢塘人。治平中以龍圖閣直學士。知開封府。會母病。請東南一州視

永樂大典卷一萬八百十二

疾。英宗曰。學士豈可去朝廷也。明日拜翰林學士。後丁母憂。上惜其才。賜黃金百兩。宋史張暉。桂陽人。為監察御史。以母老乞就養。遂得知朗州。孝友同風。宋蔡襄。字君謨。興化軍仙遊人。慶曆中。知諫院。以親老請解。移書政府曰。稟上願慈親。年八十餘。強安精神。以悅老者。昨自開封府。以老母得請使郡。經歲猶未到官。稟有所慮者。朝廷因有差除。而明公不遺姓名。或有移易。稟母親年高矣。鄉土去京四五千里。侍親而行不可。委親而行又不可。故有一旦之命。適足以趨棄之。退隱也。又念食祿。理無自由。欲歸休以奉晨夕。生平無田。仰俸以供甘旨。捨官而養。遂為窮人。儻守使郡。安而不移。則重賜矣。出知福州。仁宗賜其母冠。被以寵之。 **就職養母** 考友同風。宋石延年。字不第。以三舉推恩。當補奉職。曼卿初不肯就。張文節公素奇之。謂曰。母老乃擇祿耶。曼卿懼然起就之。 **折資侍母** 宋陳希亮。字公弼。眉州青城人。為蜀人官于蜀。不得任同守。希亮母老。願折資為縣。以侍親。遂得知川臨津縣。黃恭廣。記南吳甫。舉茂才。累年不

達。甫有老母。年九十有餘。乃上書。自乞減品。為四百石。長庶得其俸。以養母。招聽除。補南陽新蔡長。遂以甫為准。奉減。交壯茂才。皆為四品也。宋史

畢士安傳。士安出知乾州。以母老願降任就養。改藍汝州栢田務。

辭召養母

東漢書周盤汝南安成人。少游京師。

學古文尚書。左氏傳。諸儒宗之。居貧養母。儉薄不充。嘗誦詩至汝墳之卒。章慨然而嘆。乃解韋帶。就孝廉之舉。和帝初拜謁者。遷陽夏重舍令。後思母。棄官還鄉里。及母歿。哀至數於毀滅。服終。遂處于塚側。教授門徒。常千人。公府三辟。盤語友人曰。吾親已沒矣。從物何為。遂不應。居山濤。字巨源。為侍中。遷尚書。以母老解職。帝以濤清儉。無以供養。詔特給日契。謝況。字行思。少孤。事母至孝。察孝廉。曾稽內史。何充引為參軍。以母老去職。闕居養母。不交人事。耕耘之暇。研精墳典。或彥。字翁子。母王氏。因疾失明。彥由是不應。辭召。躬自侍養。母食必自哺之。北史王祐。字叔明。小字沙彌。幼而孝謹。徵著廣平王開府功曹。祐願養母。更不受署。孝友同風。唐劉子翼。貞觀初召之。辭以母老。詔許終養。江南巡察使李襲譽。嘉其孝。表所居為孝慈里。唐書林擢。泉州人。貞元初。為福唐尉。母羸老未及迎。而病積。擢素官還。及母亡。水漿不入口五日。自捉髮作塚廬。有白鳥來。甘露降。觀察使李若初。遣官屬驗實。會露晞。里人失色。擢哭曰。天所降露。禍我耶。俄而露復集。鳥亦回翔。詔作二闕于母墓前。又表其閭。獨程役。時號闕下林家。

永樂大典卷一萬八百一十二

南史張翥。字景山。為東遷令。太守殷仲曰。張東遷。親貧須養。所以棲遑下邑。後為司徒掾。母年八十。籍注未滿。愆即去官。從母還養。有司糾舉。宋孝武曰。親過知仁。不須索案也。孝友同風。唐韋溫。七歲口誦書數千言。十一舉兩經及第。以拔萃高等。入為監察御史。以臺制苛嚴。不可以省養。不拜。侍親疾。調湯劑二十年。衣不地帶。宋諱譽。庶軍中。難發遣京東路轉運判官。以母長壽無大君。潘年百有三歲。乞罷去。以便養。詔特賜冠被。費家便差遣。宋常昇。母年百有十歲。昇以母老不能之官。遂求致仕。家素貧。歲饑無以養。大名帥臣。奏給米俸。神宗許之。孫倅。字少遂。吳興人。七歲能文。內行孤峻。母無恙時。屢舉進士不中。及母病。啜自誓。終身不求仕。劉欽。知揚州。薦倅曰。居則孝。弟。任則忠。信。足以輔俗扶世。求之朝廷。呂公著。王安石。之流也。以為校書郎。辭不受。退朝侍母。膳與家人齒。顏色素餐。在左右無違。委印侍母。孝友同風。宋曾修。睦。建安人。任殿中丞。知醫林。聞母疾。委印於其佐。婦未至。被喪。哀痛過禮。給告侍母。楊內翰談。死魚索。諒為學士。周祖革命。所下指令。皆其詞也。甚得典。

結之體。以母病再求解。給長結。賜其母衣。祇縗。茶藥。贈錢。百日滿。令本州月給錢三萬。米麵五十石。屢遣使存問。俄拜禮部侍郎。充學士。令伏侍。婦。安輿侍母。唐書趙隱傳。懿宗。懿日。宴慈恩寺。趙隱以安輿。夫人起居。婦。婦。以為榮。後在考。昭張。潘。雷。雷。皆有母。遂。其。禮。

安輿侍母

唐書趙隱傳。懿宗。懿日。宴慈恩寺。趙隱以安輿。夫人起居。婦。婦。以為榮。後在考。昭張。潘。雷。雷。皆有母。遂。其。禮。

負販養母

宋史李萬超傳。萬超。并州太原人。幼孤貧。

聚物遺母

孝友同風。宋王師錫。安石之叔也。少孤。致孝。於母。憂。悲。愉。樂。不。主。於。已。惟。以。其。母。學。於。他。

解錢寄母

彭譽錄。術之。兩。

州。凡。被。服。飲。食。玩。好。之。物。皆。可。以。恆。其。母。而。力。能。有。之。者。皆。聚。以。歸。雖。甚。勞。窘。終。不。廢。安。永。壽。卿。有。販。子。肩。未。將。貨。于。市。就。路。傍。掘。糞。田。水。潤。其。米。至。東。墮。將。登。船。忽。片。雲。起。頭。上。雷。電。大。作。其。人。恐。怖。乃。於。腰。間。解。錢。一。千。附。其。同。行。隣。人。語。之。曰。我。不。合。以。穢。水。和。水。今。天。之。怒。必。我。也。不。可。逃。煩。將。此。錢。歸。與。我。母。其。以。此。意。奉。白。不。終。子。養。悔。無。所。及。語。訖。天。忽。開。霽。遂。獲。免。索。

錢養母

魏泰東軒筆錄。范文正公在睢陽。嘗學。有孫秀才者。索遊。上。福。文。正。贈。錢。一。千。明。年。孫。生。獲。通。睢。陽。謁。文。正。又。贈。十。

十。因。問。何。為。汲。汲。於。道。路。孫。秀。才。感。然。動。色。曰。老。母。無。以。養。若。日。得。百。錢。則。甘。旨。足。矣。文。正。知。其。索。錢。以。養。母。謂。孫。生。曰。吾。觀。子。辭。氣。非。乞。索。也。二。年。僕。僕。所。得。幾。何。而。廢。學。多。矣。吾。今。補。子。為。學。職。月。可。得。三。千。以。供。養。子。能。安。於。為。學。乎。孫。公。再。拜。大。喜。於。是。授。以。春。秋。而。孫。生。篤。學。不。捨。晝。夜。行。履。修。謹。文。正。甚。愛。之。明。年。文。正。公。去。睢。陽。孫。亦。辭。歸。後。十。年。聞。春。山。下。有。孫。明。復。先。生。以。春。秋。教。授。學。者。道。德。高。邁。朝。廷。召。至。太。學。乃。昔。日。索。遊。孫。秀才也。文。正。歎。曰。貧。之。為。累。亦。大。矣。僕。因。循。索。求。至。老。則。難。人。才。如。孫。明。復。者。猶。將。汨。沒。而。不。見。也。

得函救母

南史

蕭。叔。明。字。景。齊。南。蘭。陵。人。母。病。風。積。年。沈。卧。叔。明。晝。夜。祈。禱。時。天。寒。叔。明。下。淚。滿。水。筋。頰。上。叩。頭。出。血。亦。成。冰。不。溜。忽。有。一。人。以。函。授。之。曰。此。療。夫。人。病。叔。明。跪。受。之。忽。不。見。以。函。奉。母。母。中。唯。有。三。寸。簡。丹。書。為。日。月。兩。字。母。服。之。即。愈。

違令奉母

資治通鑑。唐。楊

宗。光。啓。元。年。王。緒。至。漳。州。以。道。險。糧。少。令。軍。中。母。得。以。老。弱。自。隨。犯。者。斬。唯。王。潮。兄。弟。扶。其。母。董。氏。崎。嶇。從。軍。崎。丘。奇。反。伍。音。通。結。召。潮。等。責。之。曰。軍。中。有。法。未。有。無。法。之。軍。汝。違。令。而。不。誅。是。無。法。也。三。子。曰。王。潮。兄。弟。三。人。從。緒。人。皆。有。母。未。有。無。母。之。人。將。軍。素。何。使。人。棄。其。母。緒。怒。命。斬。其。母。

三子曰。湖等事母。如事將軍。既殺其母。安用其子。請先母死。將士皆為之請。乃捨之。**二子爭養母**清波雜志

蔡京在相位。偶在告未出。有某氏先在兩家。各生一子。後二子入從。爭欲迎母歸養。未知適從。事上朝廷。執政無所處。持以白京。京曰。此亦何難。第

問其母。願歸何處。一言遂決之也。**孝事從母**新唐書。憲宣太子業傳。初業母早終。從母賢妃。鞠之八年。迎賢妃外

師事之。**為友養母**言行龜鑒。陳公希亮。雖財好施。為於恩義。少甚謹。與蜀人宋輔。游。輔卒於京師。母老子少。公養其母終身。而以女妻其孤。端平。使

與諸子遊學。卒與子悅同登第。**天賜鈔與賢母**山居新話。嘉以

道。江西人。為縣尹時。有一賣菜人。早往市中買菜。半途忽捨鈔一束。時天尚未明。遂藏身僻處。待曙檢視之。計一十五錠。內有五貫者。乃取一張買

肉。二貫者。三貫者。之糖中。不復買菜而歸。其母見無菜。乃叩之。對曰。早於半途拾得此物。遂買菜肉而回。母怒曰。是欺我也。縱有遺失。不過一二張而已。豈有遺一束之理。得非盜乎。爾果拾得。可送還之。訓誨再三。其子不

從。母曰。若不然。我訴之官。子曰。拾得之物。送還何人。母曰。爾於何處拾得。

永樂大典卷一萬八百七十二
十九

當往。元虞候之伺。有失主來尋。還之可也。又曰。吾家一世。未嘗有錢買許多米肉。一時驟獲。必有禍事。其子遂攜往其處。果有奇物者五。其賣菜者

本村夫。竟不語其鈔數。止云。失錢在此。付還與之。傍觀者皆令分賞。失主靳之。乃曰。我失去三十錠。今尚欠其半。如何可賞。既稱鈔數相應。爭聞不

已。遂聞之官。縣尹覆問拾得者。其詞頗實。因呼喚其母。復審之。亦同。乃令二人各具結罪文狀。失者實失去三十錠。賣菜者實拾得十五錠。縣尹乃

曰。如此則所拾之者。非是所失之鈔。此十五錠。乃天賜賢母養老。給付母子令去。爾失者曰。爾所失三十錠。當在別處。可自尋之。因叱出。聞者莫不

善。稱